

Málverkasýning Eyjólfss Eyfells.

Gengi ýmissa íslenskra málara hefir vaxið mikið á þessum síðustu árum, og þarf ekki að efa að það er mjög að verðleikum. Nægir i því sambandi að nefna t. d. Eggerth Guðmundsson. En þó munu enn vera sumir i þessari listamannasveit, sem tæpast eru metnir eins og vert væri, og mætti svo jafnvel segja um garpinn og snillinginn Guðmund Einarsson, og þó enn fremur um annan ágætan listamann, sem sýningu hefir þessa dagana, Eyjólf Eyfells. Mér hefir virst þessi maður vera einn af eftirtektarverðustu málurum íslenskum, og sé að mér fundið, einsog má

með réttu, að eg hafi ekki mikla stund á það lagt að læra að meta og dæma um málaralist, þá má geta þess, að ef eg man rétt, þá hefir maður, sem einmitt hefir stundað litfræði, próf. Ágúst Bjarnason, einhverntíma látið í ljósi mjög mikið álit á Eyjólfí Eyfells, og þá er heldur ekki lítil viðurkenning í því fólin, að hann er einn þeirra listamanna, sem h. h. konungurinn hefir áliðið þess verðan að kaupa málverk eftir hann. Á morgun er síðasti sunnudagurinn sem þessi eftirtektarverða sýning er opin, og væri betur að orð míin gætu ýtt undir sem flesta til að lita þar inn og sannfærast um, að þar eru listaverk sem mjög eru þess verð, að sjá þau og eiga.

Helgi Pjeturss.

Visi 12 júní 1937